

DISCOVER

(Bible Ralchhan)

Zirlai - 3 Ka Nunna Hi Pathianin A Ngaihsak Em?

A châng chuan khawvêl hi vânram ang mai a ni. Zîng i han toha, tukverh bulah thâwk i han lâa pâwn lama nî chhuak rangkachak ang maia êng phût maiin thing hnah mal tê tê, a chhun ênte chu i han hmu a. Eng thil emawte hian nun a tinuam thin: in

thlah lâia thian duh tak te hmêl te, i rilru mil tak hla mawi ngaihthlâk te leh beisei phâk loh hmangaihna naupang tê ațanga han hmuh te hian nun hi a tinuam zual thîn a ni.

Nimahsela tûk thênkhatah chuan khawvêl hi thil râpthlâkte chênna ang mai a ni. I zîng thawh veleh chanchinbu thuziak tlângpuite i han bih a: chutah chuan helho bomb tihpuahin a tih piansual leh an mit a tihdel naupangte, chubâkah mi thah chîngin mi sâwm a thahna thute, chu mai chu ni lo, țamna emaw, indona emaw, leh lîrnhîn thute thlengin an lo chuang a. A châng pheî chuan engmahin awmzia an neih loh hunte a awm thîn. Missionary la naupang tak takte chu țanpui tûra an kal chhan hnam âte chuan thalin an kâp hlum tih i hriat rualin misual, rûkru hausate chuan hmun zau tak nei a, an tu leh fate nêna nawmsip an bawl dânte i hre zêl a. Hêng zawng zawngte hi eng tihna nge ni?

Kan khawvêl, a châng ropui êm êm, mahse a châng a țihbaiawm êm êm si hi engtin nge kan remkhâwm ang? He mi atân hian Pathianin thil tum a nei em? Engvângin nge hetah hian kan awm? ka nunna hian Pathian tân awmzia a nei em? nge khâwl lianpui chhûnga a ther ang lek hi em ni ka nih?



1. PATHIANIN KHAWVEL
HI FAMKIMIN A SIAM.

A hmasa berin Pathian chu engkim - arsi puakdarh thei, nî aia a lêt maktaduai zaa êng leh phengphehlep thla thlenga an pianzia leh an nih dân siamtu a nihzia ațangin i han țan phawt teh ang.

A thil siam mak leh ropui takte tizo tûrin engtia rei nge a duh?

"Lalpa thuin vânte chu siam

a ni a;chung a awmho zawng zawngte pawh chu A kâa thâw chuan siam an ni bawk....Ani chuan a sawia, a lo awm ta a; thu a pe a, a lo awm nghet ta si a," Sâm 33:6-9.

Pathian chuan thu chauh sawi sela, a duh ti tûr chuan Electron te, proton te leh neutron te chu chak lutukin an vir mai ang. Chuti khawpa thil tithei tân chuan a duhte tizo tûrin kum rei tak a mamawh miah lo tih chu a Chiang hle a ni. Pathian chuan he khawvêl leh a chhûnga thil nungte siam tûrin kum maktaduai têt a duh a ni kan tih chuan Pathian chakna hi keimahniin bithliah kan tum tihna a ni. A duh phawt chuan hun rei tak a la thei a, a duh phei chuan siam pawh a siam lo daih thei zâwk a ni.

2. KAN KHAWVÊL SIAM NÂN NI RUK

Kan khawvêl siam nân hian Pathian chuan ni engzat nge a ruat ?

"Niruk chhûngin LALPAN lei leh vânte, tuifinriat leh a chhûnga awm zawng zawngte chu a siam a, tin, a ni sarhi nî chuan a lo châwl ta si a, chûvângin LALPAN chawlnî chu mal a sâwm a a ti thianghlim ta a ni." Exodus 20:11.

Chatuan mi, thuneihna zawng zawng nei, Siamtu chuan a kâa thawin khawvêl hi chawp leh chilhin a siam thei a. Mahse ni ruk chhûng a thlang ta zâwk a ni. A tak takah chuan ni ruk pawh hi a ngai lo, duhse chuan minute ruk pawh a tâwk; a nih loh pawhin second ruk pawh a la tâwk tho a ni.

Bible-a bung hmasa ber, Genesis bung 1-na chuan ni tina a thilsiamte min hrilh a. He mi thu hi i remchan hunah chhiar teh.

THILSIAM CHAWLHKAR,

Ni khatna:

êng, chhun leh zan lo awm dân

Ni hnihna:

Boruâk

Ni thumna:

Khawmual, hnim leh thlai

Ni lina:

Nî leh thla

Ni ngana:

Chunglêng savate leh Sangha

Ni rukna:

Ramsate leh mihring

Ni sarihna

Lalpâ Chawlnhî

Ni ruk nîah chuan a thilsiamte zînga pawimawh ber eng chu nge a siam tâk?

"Pathianin, 'Kan anpuin, keimahni ang takin mihring siam ila, anni chu lei chung zawng zawngah te.... thu i neihtîr ang u.....' a ti a. Tichuan Pathianin ama anpuin mihring a siam a, Pathian anpu ngeiin a ni a siam ni, mipaah leh hmeichhiaah a siam a ni." Genesis 1:26, 27.

Amah anga ngaihtuahna nei, hriatna leh hmangaihna nei, mihring siam chu Pathian chuan a tum ta a. Mi tin mai chu Pathian anpuia siam an ni ta a ni. Hei hi Bible aţanga thu lâwmawm hmasaber kan nihna kan inhriat theihna tûra sawi chu a ni.

"Tin, LALPA Pathianin leia vaivutin mihring a siam a, a hnârah chuan nunna thaw chu a thaw lût a, tichuan mihring chu mi nung a lo ni ta." Gen. 2:7.

A ni ruk nîah chuan khawvêl chu hnim leh

ramsate in a khat ta a, tin, Pathian pawh a thilsiamte zînga ropui ber chu siam tûrin a inpeih ve ta bawk a; Engkimtithēia chuan Adama taksa chu leia vaivut chuan a siam ta a ni. A hnârkuua "Nunna thaw" Pathianin a thâwk luh chuan mihring chu mi nung a lo ni ta a, chu chu a lo nung ta tihna a ni.

Pathian chuan mihring hmasa ber chu Adama a vuah a, a awmzia chu mihring tihna mai a ni. (Châng 19). Ama anpui ngeia a mihring siam chu tifamkim tûrin Pathian chuan hmeichhe hmasa ber a siam a, chu chu Evi a ni, a awmzia chu `nung' tihna a ni. (châng 18-25). A thilpêk hmasa ber atân Pathianin mihring tân kawppui tur a siamsak a ni.

A kutchhuak thar, Evi leh Adama chuan Pathian anna an nei a ni. Engkimtithēia chuan mihringte chu lâwm taka Eden huan fang vêl leh mawi leh ropui an tih avânga an bânthe pawh phar rual thet thet tûrin a siam thei a. A ropuina sual miah loa tilang thei, lemchang mite pawh a siam thei a. Mahse chu aia chiang zâwk chu Pathianin a duh; chu chu inzawmna a ni. Ramsate chu khawi atâna tha tak takte an ni, amaherawh chu thu sawi pui tak tak theih an ni lo. Mihring ang maia siam khâwlte pawh hi an nui thei a, hawihhâwm takin an tawng ve theiin thlêngte hial pawh an siltîr theih a, mahse an hmangaih thei lo.

Hei vâng hian a ni, Pathianin mihringte a siam ni. Amâ anpui, ngaihtuah theihna leh ngaihdân siam thei, duh thlang thei, hre reng thei, hriatthiamna nei leh hmangaihna neia min siam bâka ropui hi Pathianin min pêk tûr a nei lo. Evi leh Adama chu Pathian thilsiam ropuiber an ni. A fate an ni a, chuvângin sawifiah zawh loh khawpa hlû, an ni.

3. BAWLHHLAWH KAILO KHAWVĒLAH
SUAL A LO LUT TA.

Pathianin a siam tirh chuan Evi leh Adama hian engkim anmahni tihlim tûr an nei a ni. Sawisêl bo khawvêla an in Eden Huan mawi takah chuan taksa leh rilru duhthusâma hrisêlin hlim takin an awm a (Gen2:8). Pathian chuan fanau leh an duh ang taka ngaihtuah theihnate leh an kut hnathawhah chuan hlimna neih theihnate a tiam a ni (Gen 1:28). Ni tinin anmahni siamtu nêna hmai chhana inpâwnate an nei a (Gen 3:8). Lungngaihate hlauhna emaw, natnate kaidum tak ngial pawh ni lâwmawm an hman thînah chuan a awm ngai lo.

Hrilhfiah rual loha kan hlim chângte hian Eden huana kan nunhlui kha kan la hrechhuak thei fo thîh a ni. Amaherawhchu a lehlama kan nun awmdân hi eng nge i ngaihdân le? Engtin nge khawvêl hi namên loa tuarna leh thlaphânna hmun a lo nih tak mai? Genesis bung 2 leh bung 3 chuan he khawvêla sual a lo luh dân kimchang takin mìn hrilh a. I hman châng apiangin chhiar teh. Hei hi a khaikhâwmna chu a ni.

Pathianin khawvêl sawisêl boa a siam hnu khân, an Siamtu thu awihlo tûra Evi leh Adama chu thlêm tûrin Diabola chu Eden huanah a lo kal a. Chu huana thing pakhat chhia leh tha hriatna thing chungah chuan Setana thu neih a khap a. Thihna a thlen dâwn avângin nupa hmasa berte chu Pathianin chu thing chu hnaih lo tûr leh a rah chu ei miah lo tûrin a hrilh a.

Nimahsela ni khat chu, chu thing lamah chuan Evi chu a lêng a, chu veleh Setana chuan a rawn thlêm ta a. Pathian chuan dâwt a hrilh a ni, thing rah chu ei mah sela a thi miah lo ang, chu ahnêkin a chhia leh a tha hriain Pathian angin a fîng zâwk dâwn a ni tiin tan a

khawh tlat a. Evi leh Adama lah chuan thil tha chauh an la hre si a. Vanduai thlâk takin Evi mai ni lo, Adama chen chuan thlêmtu chu an inhnaihtîra, thei ei phal loh chu an lo tem chhin a, tichuan Pathian an rinna leh a thu an awihna chu an lo tichat ta a ni.

Evi leh Adama chu Pathianin a thilsiamte enkawla khawvêla rorêl tûrin a ruat a (Gen 1:26). Nimahsela Pathian an rinna chu tichatin dik lo takin Setana chu an hotu thar atân an thlan tâk avângin, an chênna hmun Eden huan chu an chên ta a ni. Hei hi he khawvêl pumpui Pathian laka a helna rahbî hmasa ber chu a ni. Tûnah chuan khawvêl hi a taah ngâiin a chhûnga chêngte chu sala siam tûrin a theih tâwp a chhuah a.

Vawi tam tak chu hmasialna emaw nun râwn thlâk tak thil emaw tih kan tum miah loh kan ti leh tlat thîn. Eng nge a chhan ni ang? Kan khawvêlah hian thil tha lo (sual) in hna a thawk reng a ni. Hmêlma hmuh theih loh, Setana chuan mihringte hi thiltha ti theilo tûrin a bei reng bawk. Mi pangngai tih awm loh, sual buru, mak ti êm êma kan chhiar thînte hi mi tam tak hre loa, he sual bawiha intulûtte thiltih a ni a, hêng mite hian hre reng chung emaw, tih âwma an suangtuah ngai miah loh thil kha an ti thîn a ni

Genesis Bung 3 hi i chhiar chuan sualin Evi leh Adama chu Pathian hlauin a lak aţangin a bihrûktîr a ni tih i hmu ang. Sual chuan thil siam zawng zawngte chu a khawih danglam vek a ni. Khâwl vir thalai kâra thîrherhna vawm luh ang mai a ni. Pangpâr zîngah chuan hnim hlîngnei a lo chhuak a, lei chu khuain a khen hnana, chu chuan hnathawh a tiharsa ta êm êm a ni. Natnate chu anmahniin an lo chhuak a. Êlrêlna te, inhuatna te, inrinhlelnate leh duhamnate chuan mihringte hrehawmna



chu an tipung ta a ni. A rãpthlãk ber chu soal avãnga thihna hi a ni.

4. KAN KHAWVÊL SUALA TIHREAWMTU RAMHUAI HI TUNGE NI?

Thuthlung thar chuan Diabola, Setana hi vawi za dãwn lai a sawi a, Bible hian chiang takin Diabola hi mimal takin a awm tih min zirtîr a ni.

Diabola nungchang hriattheih dân tûr Isuan min hrilh:

"...Ani chu a tîr ata tualthat a ni, thutakah a awm lo, a chhûngah thutak rêng a awm loh avângin. Dãwt thu a sawiin ama tihchhuah a sawi a ni tîn; dawthei a ni si, dãwt pa pawh a ni." Johana 8:44.

Isua min zirtîr dânin Diabola hi lei leh vân (universe) a soal awmtîrtu leh soal pa, tualthattu leh mi dawthei a ni.

Vawikhat chu sãp mi ril, Thomas Carlyle chuan, London vêng kil chhak lam kawthlêr tãwp ber laiah chuan Ralph Waldo Emerson chu a lãnpu a. Chu lai hmun tenawmzia leh thil tã lo anmahni hual vêltute ena ngawi renga an kal lai chuan, Carlyle chuan, "Ramhuai a awm ngei a ni tih hi tûnah i ring tawh em?" tiin a tian pa chu a zãwt ta a. Chutiang bawkin damdawi in te, tân in te, tûn lai khawpui sualnate emaw TV a tãngin Indona mite ramtuilei lova siamtu, leh mipui pawl sawilote thattu thlîrin, "Diabola a awm ngei a ni tih hi tûnah i ring thei em?"

5. DIABOLA HI PATHIANIN A SIAM EM?

Isua min zirtîr dânin Diabola hi khawi a tãngin nge a lo kal?

"Tek anga Setana vân ațanga a lo tla kha ka hmu asin." Luka 10:18.

Engtin nge Biblein vân ațanga Diabola tlâk dân a hrilhfiah ?

Tin, vânah chuan indona a lo awm a; Mikaela leh vântirhkohte chuan Drakon chu an dova; Drakon leh a tirkkohte pawh chuan an do ve a; nimahsela an hneh ta lova, an hmun chu vânah a awm ta bawk hek lo. Tin, Drakon lian pui, rûlpui tar Diabola leh Setana an tih khawvêl zawng zawng bumtu chu an paih thla ta a. Leiah an paih a, a tirkkohte pawh an paih thla tel ve a." Thupuan 12:7-9.

Pathian chuan sual hi a siam em? Siam lo, Pathian thil siam zawng zawng hi a ța famkim a ni. Țhatna Pathian chuan sual a siam thei lo. Nimahsela Bible chuan, Diabola chu vântirkoh a bumte nêh vâna an awm theih tâk loh avânga kan khawvêla lo kala hlawhtling taka mi thlêmtu (bumtu) chanchin a sawi a, chu ngei chuan he khawvêl chung a rorêlna chu Evi leh Adama lak ațangin a la ta a ni.

Khawi ațangin nge Diabola chu a lo kal? A rêng rêng thua engti zawngin nge vânah chuan a lo luh theih le?

"Nang chu vêngtu cherub hriak thih i ni, Pathian tlâng thianghlimah ka awmtîr che a; meivâm iang lung zîngah i lêng, I ța famkim siama i awm nî ata, nangmahah khawlohna a awm hmâ reng zawng." Ezekiela 28:14, 15.

Pathian lehkha ațang hi chuan Diabola hi Pathian siam a ni lo. Vântirkoh sawisêl bo a siama, chu vântirkoh chu zawi zawiin Diabolaah a insiam ta a ni. Setana hi a tirah chuan vâna vântirkoh hruaitu niin Pathian lalțhutphah bula ding țin a ni a. Nimahsela a sual tâk avângin

amahah chuan khawlohna a lo awm ta a ni. Vên ațanga hnawhchhuah, Evi leh Adama ținiana inchnhâl hi mihringte hmêlma tawrhhllehawm ber a ni.

Milem ziaka Setana lem, Kî te, mei te, leh kețang kâk bung mai i hmuh chuan Bible hi a nêp lo hle a ni tih hrereng ang che. Pathian lehkha ațangin A hmêlma ropui tak hi vawikhat chu vântirhkoh thianghlimte zînga mawi ber leh fîng ber a lo ni tawh tih kan hre thei a ni.

6. ENGVÂNGIN NGE SETANA CHU A SUAL?

Setana chu Pathianin sawisêl bo nia a siam si chuan, engvângin nge misual a lo nih leh mai si?

"Aw 'Lucifar,' 'zîng lam fapa,' engtizia nge vên ata i tlâk tâk chu le! hnam tin titlâwmtu, engtizia nge leia sahthlâka i awm tak chu le! I rilruah chuan, 'vânah ka chho vang a, Pathian arsîte chung lamah khian ka lalțhutphah ka chawi sâng ang; tin, inkhâwmna tlâng hmâr tâwp rêta awmah chuan, ka țin ang a ; chhûm aia sâng zâwkahte khian ka chho vang a; Chungnungbera ang maiin ka awm ang,' i tih țin vei nêh khân." Isaia 14:12-14.

Chu mi, soal ni ta chu a tîrah chuan Lucifara tia vuah a ni a, a awmzia pawh "Chhûn arsi," "mi êng tak," tihna a ni. Engtizia tehrêng emaw ni, he vântirhkoh thinlungah hian chapona leh thuneihnate chuan a inhlanna chu a rawn lân țin a. Chapona chu Pathian dinhmun chuhnaah a lo chang ta a. Pathian chuan vênah dinhmun sâng tak vântirhkohte hotu nihna a pe a. Mahse a la duhtâwk si lova. Pathian chu a thîk ta tawlh tawlh a, a tâwpah phei chuan a lalțhutthleng chu luahlan a tum a.

Lucifera chuan ruahmanna țin zâwk neia insawiin, vên mite hmin tumin a bei nasa ngawt ang. "Pathianin an lak ațangin thil thup a nei a, chu bakah a

dânte hi a khirh lutuk reng reng a," tiin. Pathian chu, Lal, a khua leh tuite ngaihsak lo angin lantîr a tum a. A nungchanga hmangaihna tilangtu hming chu a sawichhia a ni.

Engtin nge he inremlohna, vâna mi hi tihkian a nih?

"I mawina avanga lo chapovin, i ropuinain i finna tikhawlovin. Leiah ka paih chia lalte hmâah mualah ka pho che, ennawmah." Ezekiela 28:17.

Lusifera thinlung chu a lo chapo khân Pathian laka hel a thlang a. Pathian chuan vâna aţanga a hnawthlâk a tûl ta a. Engvângin? Chapona leh duhâma, sual leh sual tinrêng bul hi, Pathian hmuh phâkah an awm theih loh vâng a ni. Lusifera chuan Pathian a hmangaihna chu thil hrisêl lo tak amah a inhmangaihnaah a let kual a. Thikna chuan vântirhkohte zînga chungnung ber chu Diabola, Setana-ah a chantîr ta a ni. Vâna muanna leh inremnate hum tlat tûr chuan, amah Setana leh vântirhkoh hmun thuma thena hmun khat, helnaa amah zawmtute chu vâna aţanga hnawhchhuah an ngai ta a ni. (Thupuan 12:7-9).

7. TUNGE SUALAH MAWH PHUR?

Engvângin nge Pathian hian a mi siamte hi sual thei loa a siam mai loh? Chutiang chuan lo tisela chuan khawvêlah hian sual vânga harsatna hi a awm miah lo ang.

He zawhna hi chhâng tûr chuan a hmasa berin engvângin nge Pathian chuan min siam rêng rêng le, tih hi i lo thlîr phawt teh ang. Pathian chuan awmze neia a zawmpui theih mihringte a duh a, tichuan Pathian chuan amah chauhin a ngaihtuah chhuah theih chu a ti ta a, chu chu "Pathianin ama anpuin mihring chu a siam ta a ni." (Genesis 1:27).

He mi awmzia hi chu zalêna leh mawphurhna kan nei tihna a ni. Pathian hmangaih kan thlang thei a, kan hnuchhawn thei bawk a ni.

Mihringte leh vântirhkohte hnênah Pathianin eng theihna nge ramsate lak ațanga danglam a pêk?

"Vawiinah hian tu rawng nge in bâwl dâwn thlang rawh u." Josua 24:15.

Mihring, thlah chhawng tina mite leh vântirhkohte ang bawkin, Joshua hun laia mite hnênah chuan thlarau lama nun dân tûr leh Chiang taka duhthlan theihna a pe a. An ngaihtuahna chuan Pathian kawng hi a ța ber a ni tih a hriat avângin a mi siamte chu thil ța titûrin a cho a. An ngaihtuahna chuan thuawih lohna leh sual vâng a thil thleng theite lakah fîmkhur tûra zilhhauvin thil dik lo hawisan tûrin a hrih a ni.

Pathian chuan chhia leh ța hriatna kawng a fihlima min siam a țul lo a. Ngaihtuah theihna nei leh duhthlang theite chauhin hmangaihna tak tak hi an tem thei a ni. Hmangaihna zalên taka duh thlang thei, midangte tâna hmangaihnaa khat, A nungchang hrethiama ngaisang thei mihringte siam hi Pathian chhâk zâwng tak a ni.

Pathian chuan a hmangaihna chu min chantîr a duh a, chumi avâng chuan, nghawng nasa tak mai nei thei, duhthlanna neitheia mite siam chu a ti tlu ta a. A siam zînga pakhat chuan engtik nîah emaw chuan a rawng bâwl loh a thlan mai theih tûr te pawh a hre vek a ni. Setana chu a thilsiamte zînga duhthlanna râpthlâk tak siam hmasa bertu a ni. Sual vâng a lungngaihna chu amah ațangin a ințan ta a ni. (Johana 8:44, 1 Johana 3:8).

8. KRAWS CHUAN SUAL TIHBORAL
THEIHNA A SIAM A NI.

Engvângin nge sual avâng a lungngaihna hi Luci-


fer-a chungah a tâwp vek mai loh? Engvângin nge Pathian chuan a thiltihusual hrik chu a darh zau hmaa a tihbora mai loh? Lucifer-a hian Pathian rorêlna hi a dik tâwk leh tâwk loh a cho fo ðhîn tih hriat reng a pawimawh khawp mai. Pathian chungchângah dâwt tam tak a sawi a. Vântirhkohte rilruah chuan dâwt sawi tumna hi a la lût ngai rêng rêng lo. Chuvâng chuan Luciferan thang a kam rûk chu an hre thiam rêng rêng lo a ni.

Pathian chuan Lucifera kha chawp leh chilhin tiboral ta sela. Vântirhkohte chuan hmangaih vang ni loin, hlauhna vâng zâwkin a rawng an bâwl ðan mai ang. Hei tak hian duhthlan theihna neia Evi a siamna chhan kha a tichhe dâwn a ni.

Engtin nge mi tin hian Pathian thiltih dân kawng chu a ða ber a ni tih an hriat theih ang. Tumahin a thlâkna an zawng ngam lo a ni. Setana erawh chu Pathianin a thlâkna a zawn chhuah a phal sak thung a ni. Chuvâng chuan a ni Evi leh Adama bum thei tûra hnaih theihna hun remchâng pêk a nihna chhan chu.

He khawvêl hi Setana nungchang leh a lalram chu Pathian nungchang leh a lalram bûkna hmunah a chang ta a ni. Tunge dik zâwk? A tâwpah chuan tu zâwk nge kan rin ang? Hêngte hi an thu inchuh, Krista leh Setana inhnia na ropuiin a tihfel tûrte chu an ni.

Lucifera hi a verther êm avângin, vânte chu buma an awm vek hmain a thil ruahman chu a lang chhuak vek ta a ni. Mi tin tân Setana ruahmanna chu a lo hlauhawm tak zet a ni tih hriatchhuahna hun a la ni ta a ni. A tâwpah erawhchuan mi tinin "sual man chu thihna a ni si a, Pathian thilthlâwn pêk erawh chu kan Lalpa Krista



Isua zârah chuan chatuana nunna a ni," (Rom 6:23) tih hi an hre dâwn a ni. .

Lei leh vâna mi zawng zawngin tihian an sawi tawh ang:

**"Aw Lalpa Pathian, Engkimtithi,
I thiltithe chu a ropuiin a mak a;
Nang, hnam tin Lalber,
I kawngte chu a felin a dik a ni.
Aw Lalpa, tunge i hming zah lo vang a,
Chawimawi lo vang?
Nangchauh i thianghlim si;
I thiltih felte chu tihlan a nih tawh avângin,
Hnam tinrêngin chibai an rawn bûk ang
che,"**

Thupuan 15:3,4

Mi tinin sual hlauhawmzia leh Setana finrâwlin a tihchhiat theih nasatziat an hrait chian hunah, Pathian chuan Setana leh sualna chu a tiboral tawh ang. A khawngaihna hnara Setana lama luhlul taka țangte pawh a tiboral bawh ang. (He mi chanchin kimchang zâwk hi zirlai 22 leh 23-ah a awm.)

Keimahni ngeiin ti sela kan tih ang chiah hian Pathian chuan sualna leh tuarnate hi tih fel a châk tawh êm êm a ni. Amaherawhchu hei hi tih nawn leh ngai loa a tihtheih hun a nghâk a. Chu chu kan duhthlanna min humsak leh sualna chu lo lang leh tawh lo tûra a ruahmanna a nghâk mai a ni.

Engtin nge sual chu Pathianin chatuan atân a titâwp dâwn a ni tih ka hriat theih ang ?

"Nimahsela Lalpa ni chu rûkru angin a lo thleng ngei ang, chu mi niah chuan vante chu nasa taka riin a boral ang a, thil bulte chu meia em ralin a awm tawh ang a, lei leh a chhûnga hnathawh awmte

hi a kâng ral ang. Nimahsela a thutiam ang chuan vân tharte leh lei thar, a chhûnga felna awmte chu kan beisei a ni." 2 Petera 3:10, 13.

Sualna chungchângah, "A kin ta," Pathianin a tih hun chuan, (Thupuan 16:17) chatuan atân a tâwp tawh anga, lei leh vân chu a khawih ngai tawh lovang. Sual vânga lungngaihate chu Chiang taka a lan dâwn avângin Pathian thuawih loh chu chatuan atân tihchi a ni lo tih hriat a ni tawh ang.

Engin nge Setana leh soal chu chatuan atâna tiboral thei?

"Tichuan naupangte hi tisa leh thisen changte an nih hlawm avângin Amah (Isua) ngei pawhin chûng bawk chu a chang ve ta a; thihnain thihna thuneitu (chu chu diabola a ni) a tihboral theihna tûr leh, thih hlahv vânga dam chhûnga bâwiha awm zawng zawngte chu a chhan chhuah theihna tûrin." Hebrai 2:14, 15.

Kraws-ah khân lei leh vânin Setana chu bumhmang, dawthei leh tualthattu a ni tih an hmu a. Chutah chuan Pathian Fapa سوالنا nei lo chu mite a tihhlumtîrin a nihna dik tak chu a tilang a ni. Lei leh vân pumpuia mi chêngte chuan سوالin Pawisak a neih lohzia a chimawmzia chu a takin an hmu a ni. Kraws chuan Chiang takin Setana thil tum chu a tilang ta vek a ni. Chumi avâng chuan Pathianin Setana leh soal sim lote chu, a tihboral hunah pawh, mi zawng zawngin Pathian chu a dik a ni tih an puang ang.

Kraws-a Isua thihna chuan lei leh vân atanga soal tlenfaina a thlen thei a ni, a chhan chu a siam zawng zawngte mithmuh ngeiah Setana thiltumte chu a lantîr vâng a ni. (Joh 12:31,32). Chubâkah Kraws chuan Krista chu tunge a nih a tilang a, khawvêl Chhandamtu a nihna chu, Luruh hmunah khân hmangaih thiltihtheihna chu khawvêla thuneih duhna nêna a danglamna nasa taka lantîr a ni a.

Chu chuan hnial rual lohin hmangaihna vânga mahni inphatna avâng chauhin Pathian chuan Setana te, sualte leh misualte chu dawhtheihnain a lo zuah a ni.

Krista ngeiin kraws chung a tiamkam nei lo Pathian hmangaihna chiang taka a entîr khân mihring leh Setana thil tih chhiat theihna zawng zawng pawh a hneh zo vek a ni. Setana chu chiang taka hneh a ni ta. Tuin nge khawvêl chungah rorêl ang, Krista nge Setana tia indona chu a tawp ta. Kraws ngei chuan chatuan atân a tifel ta a ni. Krista a chungnung ber ta.

A hmangaihna el phâk loh leh danglam ngai lo lantîr tûra thi ta, Chhandamtu nêna inzawmna i hmuchhuak tawh em le? Mihring anga kan khawvêla lo kal, sual avâng a i thih aia thi ta chungchâng kha engtin nge i ngaih le? Tûnah hian Isua hnêna lâwmthu sawiin leh amah chu lo kal a, i nunna rawn luah tûra sâwmin i tawngtai thei ang em?

Kan Pa duhtak vâna mi, he khawvêla Isuan Setana a hnehna avângin lâwmthu ka hrilh a che. Kraws zâra ngaihdamna hlu tak i pêk avângin i chungah kan lâwm a. Tunah hian khawngaih takin ka thilnung chungah lo kalin ka chhûnga sualna awm hi min dosak ang che. Ka pum hian i kutah min kawla, ni tin Isua hnaih tûrin min tanpui ang che. Krista hminga ka tawngtainate min ngaihthlâk sak avângin ka lâwm e. Amen.

Published by Mizo Conference of Seventh-day Adventists
Seventh-day Tlang, P.O. Box 97, Aizawl 796 001, Mizoram.